


讀書敏求記


經

周易十卷



也

是



曾



北宋刻本經傳一之六王弼註繫傳七之八說卦

序卦雜卦九韓康伯註略例十邢璣註卷首有頁

元伯雅二圖記知是鳳洲先生藏書也

京氏易傳三卷

京氏易傳陸績註予藏舊鈔本四種其一書法甚

佳

閔氏易傳一卷

閔朗易傳天水趙蕤註秦酉巖取楊五川陳抱冲



兩先生善本對錄者為第一

程伊川易傳六卷  
有宋談易諸家尚占者宗康節以義理為虛文尚  
辭者宗伊川以象數為未伎義盡周經判然而途  
矣晦庵曰易傳不看本文亦自成一書蓋得程子  
之深者也經籍志載十卷吾家所藏宋刻本止六  
卷今考程朱傳義後二卷小序曰程先生無繫辭  
說卦序卦雜卦全解東萊精義載先生解并及遺  
書今並編入續六十四卦之後題之曰後傳庶程  
朱二先生皆有全易云則是予所藏六卷為程氏  
原書而後傳乃據精義遺書刻入者臨通考亦  
未為核也尋討伊川本旨為之掩卷慨然

慈湖書二十卷

此為楊慈湖易傳其逐卷簡端所題如此

蘓東坡易解九卷

明初人鈔本繕寫極精妙

朱子周易本義十二卷

伏羲始畫八卦因而重之有六十四卦而未有辭  
也文王作上下經乃始有辭孔子作十翼彖傳二  
象傳二繫辭二文言說卦序卦雜卦各一其辭乃  
備然辭本于象本于畫易之理盡于畫詎可捨  
象而專論辭之理哉漢去古未遠諸儒訓解多論  
象數蓋有所本而云然耳自賈直之易行至魏王  
弼為之註而韓康伯繼之取孔子之傳附于每卦

之下欲學者兩讀以就其註經傳混殺沿襲至隋唐莫之或改也唐太宗命諸名儒定九經正義易註則取王韓孔穎達輩以為時所尚遂著為定論古易本旨之沉晦不能明久矣有宋呂汲公王原叔晁以道李巽岩呂東萊諸公皆以分經合傳非古而吳仁傑稅與權編周易古經則極論王弼之失至朱子断然至經傳釐而晰之于是古周易之序次曉然共白于後世俞琰熊過之徒始知取道適從矣然學易者精微之旨無過輔嗣康伯宋儒往々抹殺之此則宋儒之過也

胡方平易學啓蒙通釋二卷  
易有象數明于象數而後易可讀啓蒙專明象數

蓋為讀本義者作與胡方平通釋之象本圖書而形于卦畫數衍著策而達于爻占易之體用全矣昔楊文貞公得此書于伯氏無何失去伯氏聞之不樂至形諸詒詈昔人矜重書籍如此後學勿漫視之

俞琰周易集說

俞玉吾讀易三十餘年終日不食終夜不寢覃精研思以致力于此然後命筆成書藁凡四更并取繫辭傳說卦序卦雜卦等篇改竄皆畢名曰周易集說從來讀易之士無有終身以之若是者也或疑上經卦三十下經卦三十四多寡不均玉吾謂卦有對体有覆体上下皆約為十八無有不均條



晰精確而上下之篇定又謂文王之辭謂之經孔子之辭謂之傳，辭所以釋經也。經有彖辭即文王所繫于卦下之辭，孔子釋文王卦下之辭而傳述其意，故謂之彖傳。古者經典傳各為一書，自費直以傳解經，其後鄭玄以彖傳連經文，然猶若今之乾卦次序至王弼乃自坤卦始，每卦以彖傳聯綴于彖辭之後，又加以彖曰二字，後人遂不謂之彖傳而直謂之彖，則文王之彖辭謂之何哉？又案陸德明釋文，梁武帝言文王文王所制，玉吾謂梁武之說必有所據，則彖辭文辭皆文王之言，而孔子傳述之，古易題曰文言傳，良是矣。又云文傳者，孔子釋文王文辭而傳述其意，王弼分附于諸文

之下，更以象辭置文辭之前，又于象辭并文辭之首皆冠以象曰二字，于是後人以象辭為大象文辭為小象，而又象則謂之象傳，其謬甚矣。世無有一人正之者，何耶？今用古易文傳例，不以附經而自為一篇，庶幾六爻連屬而文義不間斷云。嗟，自古及今，談易者紛如何人究心，及此玉吾獨能發千古未發之秘決，千古未決之疑，孔父常編三絕，南園俞氏之易學可無愧心矣。予故服膺其書，而于諸家之易說備之以俟參考焉。

周易乾鑿度二卷

乾鑿度鄭氏註大輅為推輪之始，其殆邵子皇極經世之先資與。

乾坤鑿度二卷

製詞古奧非後人所能措手此等書唯宋本行次恰當為妙嘗以四明范欽訂刊者對之不獨字句謬繆中間紊亂失序脫却原意因嘆古書未易付諸剞劂非淺人可解耳

衛元嵩元包經傳四卷

元包卦首于坤義主歸藏中多奇字非釋音不可讀唐蘇源明為之傳李江為之注紹興年間南陽張洸跋其父景初所藏本鏤版傳諸世

張行成元包數摠義二卷

行成謂天下之象生于數而數生于理蘇源明李江之傳注徒言其理而未達其數乃徧採古之言

易者旁通元包之旨以示同好云  
麻衣道者正易心法一卷

正易心法希夷受并消息正謂卦畫若今經書正文也據周孔辭傳亦是註脚每章四句者心法也

訓于其下消息也李潛云道者得之廬山異人文公先生極辨其謬謂如雷自天下而發山自天上

而墜之類皆無理妄談後假守南康見前湘陰主簿戴師愈首及易說語無倫次後至其家見其案

間所著禱書宛然麻衣語氣以是始疑前時所料

三五十年以來者即是此老然是時戴病已昏不久即死遂不復可窮詰矣偶閱此書并識文公語



古三墳書三卷

三墳山氣形也元豐七年毛漸正仲奉使京西得之唐州民舍晁公武以為偽鄭夾漈以為真世自有辨之者紹興十七年五月重五日三衢沈斐刻于婺州學中即此本也  
時瀾增定東萊書說三十五卷  
朱子曰呂伯恭解書自洛誥始大愚叟曰伯氏太史尚書說自秦誓至洛誥凡十八篇已亥冬口授諸生而筆之冊者也伯氏下世書及三禮皆未及次第考論是東萊原未有成書而時瀾所謂親承修定之者不過記憶舊聞直以己意足成其書耳覽者宜有辨焉

毛詩鄭氏箋二十卷

南宋刻本首載毛詩舉要圖

成伯瑜毛詩指說一卷

分吳述解說傳受文体四篇亦約略指說之無異

間特解也乾道壬辰建安熊克題于後

歐陽氏詩本義十五卷鄭氏詩譜補正一卷

詩自齊魯韓三家俱亡而毛萇之傳獨存其作序之人無明文可考鄭氏謂毛公始以真之詩之首蓋自漢經師相傳授其去作詩時未甚遠序之有功于詩而不可廢也審矣宋儒安得徂一己之私指摘作序者之或有小疵乎詩譜補正後序云後之學者因迹前世之所傳而較其得失或有之矣

若使徒抱茲餘殘脫之經張于去聖人千百年後不見先儒中間之說而欲特立一家之學者果有能哉吾未之信也歐公此言深中宋儒說詩之病亦見公之虚心經學如此故此書逐章先論毛鄭之得失而後由之以本義末三卷備著義解論問尋篇復以鄭氏詩譜補止終焉蓋歐公于詩詳說有年其論云察其美刺知其善惡以為勸戒所謂聖人之志者本也求聖人之意達詩人之旨者經師之本也此本義所由作也昔吾友馮定遠以詩世其家學得乎三百篇者深嘗語予曰六義中與為意與之與而宋儒作與起之與豈不可笑因抵掌極論之嗟乎斯人今也則止其聲音笑貌顯

顯然猶在目中每尋味其緒言為注下不能已目附識之于此

王質詩總聞二十卷

王質汶陽人其書分十聞一聞音二聞訓三聞章

四聞句五聞字六聞物七聞用八聞跡九聞事十

聞人又斷之以摠聞趙清常從閣宋本鈔錄惜闕

二十餘葉藏書家無從借補俟更覓之

毛詩要義四十卷

此書二十卷每卷分上下目後載序譜趙清常從

閣本鈔錄其中脫簡仍如之

許謙詩集傳名物鈔十二卷

朱子之學一傳為何基王柏再傳為金履祥許謙



授受相承白雲一代大儒其于詩專宗朱子沈埽  
毛鄭之說未知今之三百篇果非夫子之舊與抑  
桑中漆洧諸篇夫子刪詩竟不辨為淫佚之什而  
採之與退何彼穠矣甘棠于王風削去野有死麇  
其卓識遠過于夫子與子曰多聞闕疑聖人且云  
然而後學反立已見以疑聖人非予所敢信也  
春秋經傳集解三十卷  
南宋刻本首列二十國年表音義視他本較詳初  
季集載牧翁所跋宋版左傳其經傳十四至三十  
卷已歸天上菑說二卷經傳一至十三卷尚存人  
間幸為予得之覆視跋語所云在二處二應有神  
物護持良不虛也墨蹟如新古香醞爰逐本前後

葉每條註其本作字某應從某本是正此等書勿  
論其全不全譬諸藏古玩家收得柴窰殘器半片  
便奉為天球拱璧而况鎮庫典籍乎

陸淳春秋微旨三卷

內閣藏本予從曹秋岳先生借錄

陸淳春秋啖趙纂例十卷辨疑十卷

昌黎寄盧仝詩春秋五傳束高閣獨抱遺經究終  
始三傳之重于漢而輕于唐其來漸矣啖助趙匡  
欲捨傳以求經岸然多所去取陸淳奉其說為纂  
例為辨疑柳子厚見其書恒願歸于陸先生之門  
可為傾倒時人至矣然後來學者往往鑿空好新  
立私說以解春秋出入奴茫無的質真有高束

三傳之慮其殆啖趙為之嗚矢與  
孫覿春秋經解十五卷

莘老遊于胡安定之門著經解行世初王安石釋  
春秋未成見此書而慕之因詆聖經為腐爛朝報

龜山先生稱莘老片言寸簡皆足垂世况成書耶  
嘉定丙子汪綱題而刻之新安

孫復春秋尊王發微十二卷  
孫復明復以春秋教授生徒于泰山之下著尊王

發微撥棄三傳自立褒貶君子嘉其志而惜之春  
秋所以有弃灰環法之訛也

陳止齋春秋後傳十二卷  
此書大旨詳于樓攻媿序中茶陵所刻字多訛舛

此則勤德堂刊本也止齋尚有左氏章指一書俟  
續求之

王當春秋臣傳三十卷  
採左氏諸臣始末每人掇拾成一小傳逐卷後有

摠贊簡劾明潔有古良史之遺風  
俞皋春秋集傳釋義十二卷

先取各家註釋以己意採集于前申之以程子之  
言後詳列三傳胡氏傳使人得備覽而尋繹其說

元刻中之佳者  
趙汭春秋師說三卷

子常遊楚望之門得益春秋為多故次其師說十  
一篇以成是書楚望云季春秋當以三傳為主而

子常遊楚望之門得益春秋為多故次其師說十  
一篇以成是書楚望云季春秋當以三傳為主而



三傳之中又當據左氏事實以求聖人旨意之所  
歸蓋其中自有脈絡可尋人自不肯細意推求耳  
旨哉斯語一洗唐宋來捨傳求經之妄論矣  
趙汭春秋金鎖匙一卷

是書曾于牧翁書架上見之後不知散佚何處此  
則焦氏家藏舊鈔本也

春王正月考前卷春王正月考辨疑後卷

宋儒致疑于春王正月紛如聚訟云夏正得天乃  
百王所同是以有冬不可為春之疑云夫子嘗以  
行夏之時告顏子是以有夏時冠周月之疑云漢  
武以夏時首寅月于今莫之能改是以傳書者有  
改正朔不改月數之疑而又有春秋用夏之時夏

之月之疑愈甚則說愈多說愈多而儒者之惑  
終不可解良可喟也晉安張呂寧以春秋經登泰  
定丁卯李黼榜進士讀書淮南者十餘年歷稽經  
史傳記及古註疏并劉向周春夏冬陳寵天以為  
正周以為春之說比觀朱子晚年定論參錯辨核  
斷以春王正月之春為周之時洪武二年夏奉使  
安南假館命筆勒成一書明年庚戌春始卒業踰  
月疾革而逝宣德元年丙午其嗣孫隆恐手澤泯  
而無傳依舊本摹寫刊行予昔侍牧翁于雲上軒  
晨夕伏承緒言每嘆此書絕佳問津知塗幸免冥  
行擷埴皆先生之訓也撫卷流涕者久之  
春秋公羊經傳何休解詁十二卷釋文一卷

此北宋槧本之精絕者故附釋文于經傳後若南  
宋人鏤刻便散入逐條註下矣  
帝昭註國語二十一卷  
吾家所藏國語有二一從明道二年刻本影鈔一  
是宋公序補音南宋槧本間以二本參閱明道本  
周語云昔我先王世后稷註曰后君也稷官也則  
是昔我先王世君此稷之官也考之史記周本紀  
亦然而公序本直云昔我先世后稷讀者習焉不  
察幾謬為周家之后稷矣襄王二十四年秦師將  
襲鄭過周國門左右皆免胄而下拜註曰言免胄  
則不解甲而拜蓋介冑之士不拜秦師反是所謂  
無禮則脫也公序本又失去拜字與註文太相遠

背微明道本于何正之今世所行國語皆從公序  
本翻雕知二字之止來久矣  
儀禮經傳通解二十三卷儀禮集傳集註十四卷  
朱子謂六經之道同歸而禮樂之用為急遭秦滅  
李禮樂先壞其頗存者三禮而已周官一書固為  
禮之綱領至儀法度数則儀禮乃其本經而禮記  
郊特牲冠義等篇乃其義疏耳前此犹有三禮通  
禮李究諸科士得以誦習而知其說王安石交亂  
舊制廢儀禮而獨存禮記之科遺本宗末其失已  
甚因以儀禮為經而取禮記及諸經史雜書所載  
有及于禮者皆附本經之下具列註疏諸儒之說  
撰家禮五鄉禮三季禮十一邦國禮四共二十三



卷曰儀禮經傳通解王朝禮十四卷曰儀禮集傳  
集註刊于南康道院此書卷帙煩重脫誤弘多獨  
此本逐一補錄完罕有錯簡脫字今之藏書家恐  
未必細心緝訂如此也識者其詳辨之  
儀禮經傳通解續二十九卷  
朱子晚年著經傳通解屬藁甫定而歿未成喪祭  
二門嘗以規摹次第屬之門人黃幹勉齋俾為類  
次嘉定癸未西明張處來南康知勉齋此藁在南  
劍陳史君必處以書索來凡二十九卷校刊之并  
前書傳于世焦氏經籍志混稱朱子通釋二十三  
卷續編二十九卷不分勉齋續藁之詳今黃俞卨  
周雪容徵刻書目因之是殆未取原書覆閱也

大戴記十三卷

始三十九篇終八十一篇  
為元人鈔本卷首有至正甲午十二月朔不知何  
人序

何晏論語集解十卷

童年讀史記孔子世家引子貢曰夫子之文章可  
得聞也夫子言天道與性命弗可得聞也已又讀  
漢書列傳四十五卷贊引子貢云夫子之言性與  
天道不可得而聞已矣竊疑古文論語與全本少  
異然亦無從辨究也後得高麗鈔本何晏論語集  
解檢閱此句與漢書傳贊適合因思子貢當日寫  
嗟嘆意于不可得聞中同顏子之如有所立卓爾

故以已矣傳言外微旨若脫此二字便作了語殊  
無低徊未忍已之情矣他如與朋友交言而不信  
乎等句俱應從高麗本為是此書乃遼海道蕭公  
諱應宮監軍朝鮮時所得甲午初夏予以重價購  
之于公之乃孫不啻獲一珍珠舩也筆畫奇古似  
六朝初唐人隸書碑版居然東國舊鈔行間所註  
字中華罕有識之者洵為書庫中奇本卷末二行  
云堺浦道祐居士重新命工鏤梓正平甲辰五月  
吉日謹誌未知正平是朝鮮何時年號俟續考之  
蕭公幼時與吾曾祖侍御秀峯公同居邑之西鄉  
每相約入城歸時對坐殿橋上携象戲下三四局  
起望城中而嘆瓦似魚鱗他時何地受一塵着我

兩人耶後竟各遂其志蕭居城東吾祖居城西高  
門棹襖衡宇相望未及百年而蕭氏式微吾祖後  
蘭錡依然流風未艾循覽此書迴環祖德子孫其  
念之哉子孫其敬之哉

論語筆解十卷

許勃云昌黎著論語筆解其間翹白者蓋李習之  
交相明辨非獨韓制此書也

孟子註疏十四卷

孟子註疏是叢書堂錄本簡端五行為匏翁手筆  
古人于註疏皆命侍史繕寫好書之勤若是間以  
監本建本校對踳繆脫落乃知匏翁鈔此為不徒  
也



孫奭孟子音義二卷

孫宣公以張鎰丁公著二家所音孟子未精當質諸經訓證以字書成音義二卷孫奭曰孟子見梁惠王見梁襄王並當與暴見於王他日見於王同音現宣公前一見字無音李者相承如字讀非也予李識淺鮮未知通人以為然否漢書藝文志儒家孟子十一篇宋時館閣中尚有外書四篇曰性善辨曰文說曰孝經曰為政或疑合之可如藝文志之數今觀此書後附孟子篇叙音義曰此趙氏述孟子七篇所以相次叙之意則知外篇乃後儒撰集雖亡來已久不存可也篇叙世罕之見藏書家宜廣其傳勿易視之

王肅註家語十卷

此從東坡居士所藏北宋槧本繕寫流俗本註中脫誤弘多幾不堪讀予昔藏南宋刻亦不如此本之佳也

孔子集語二卷

淳祐丙午稽山書院山長薛據聚孔子集語成二十篇其所引尚書大傳金樓子等書今皆不可得見方山吳岫藏多舊人鈔本此其一也

德德明經典釋文三十卷

吾友葉林宗篤好奇書古帖搜訪不遺餘力每見友朋案頭一帙必假歸躬自繕寫篝燈命筆夜分不休我兩人獲得秘冊即互相傳錄雖昏夜叩門

兩家童子聞聲知之好事極矣林宗歿余哭之慟  
為文以祭之曰昔我与君定交杵臼奇文同賞疑  
義相剖春日班荆夜雨剪韭君書我書我酒君酒  
塾中步屨頻煩往來只踈問字一日幾迴安榴之  
館酸枣之臺握手談讌私心徘徊應氏樵蕘龐家  
雞黍互作主賓莫辨尔汝剪燭連床共期古處陶  
尹班永夕絮語疇昔之日經過池上啜茗噉酥  
鬚眉歷朗簷花窺人園禽弄響指點光風君懷愴  
恨云胡別去曾未浹旬溘先朝露命委芳塵我初  
聞訃如毒蓼辛噉然一哭痛絕斯人退筆棲床鈔  
書盈笥拚擋殘帙狼籍古字問君囊篋如是而已  
藐孤始孩寡妻何倚一棺棲室瓦燈閃影靈衣披

孤魂耿々冥漠出壤誰憐夜永老屋總帷風淒  
月冷絮酒沃酌涕洒重泉少微星象夜隱江天宿  
素凋謝氣運推遷永懷終古神理綿々君亡來三  
十餘年遍訪海內收藏家罕有如君之真知真好  
者每嘆讀書種子幾乎滅絕矣此書原本君從絳  
雲樓北宋槧本影摹逾年卒業不惜費不計日毫  
髮親為是正非篤信好孝者孰能之君歿後予從  
君之介弟石君借來石君卓識洽聞著史論甚佳  
交予如林宗亦不可謂之兩人也予述此書所自  
而題語專屬林宗或真後日君托此書以傳不至  
名氏翳如是予之願耳然予言不文何足為君重  
且傳不傳有數焉聊以寫予衷而已



刊謬正俗八卷

楊庭表上其父師古所撰匡謬正俗云藁草終半

部帙未終謹遵先範分為八卷汪應宸謂此書尚

非定本題所疑于尾如論語後不朱標毛詩字等

類頗為有識讀者勿以其跋語也而漫視之

劉敞七經小傳三卷

七經者尚書毛詩周禮儀禮禮記公羊論語也此

是先生偶拈幾則未成書而傳之後非独有取于

七經耳辟疆主人云雖新刻最為罕遇

十一經問對五卷

十一經者論語孝經孟子大孝中庸尚書毛詩周

禮儀禮春秋禮記也皆設為問對之詞不脫宋人

窠臼然禮記中大孝中庸兩篇河南二程子始分

為二書而此竟同禮記列為三經者何也

禮樂

文公家禮十卷

文公居母喪盡哀自初死以至祥禫參酌古今之

宜成喪葬祭禮又推之于冠昏共成一編名曰家

禮書初成失之至歿後始出楊復惜其未嘗再加

審定因採諸家議論有以發明家禮之意者附註

逐條下并載諸書而刘垓孫又增註之覽者得詳

考焉

夏時正士禮儀奉要九卷  
時正謂文公家禮未脫藁而佚也後雖出而行于

世實文公未成之書因取家禮儀禮節奉其要集成一編

龔端禮五服畜解一卷

五服列五門每門立男女已未成人之科分正加降義四等之服分章劃畜泰定元年嘉興路牒呈此書于江浙行省移咨中書照詳端禮于至順年間以布衣上書皇帝誠有心當世之士而沉淪不遇可惜也

聖宋皇祐新樂圖記三卷

宋仁宗景祐三年二月詔阮逸胡瑗較定鐘律蓋以李照樂穿鑿也至皇祐二年閏十一月置詳定大樂局其鐘弁而直聲爵不發著作佐郎劉義叟

曰此謂害金帝將獲心腹之疾已而果然則是義叟審音更出逸瑗之上當時何以不令義叟同較

定耶此從閣本鈔出閣本乃直齋陳伯玉先生嘉熙己亥良月借虎丘寺本錄蓋當時所賜藏之名

山者也末用蘓州現察使印長貳押字志頌降歲

月直齋又云生平每見承平故物輒慨然起敬恨生不于其時嗟劫燒之餘閣本已不可問獨此

尚在人間覽之亦有直齋承平故物之感

蔡氏律呂本原一卷律呂辨證一卷

蔡氏建陽蔡元定季常也文公極稱許之此從閣

宋本錄出清常道人手為校正

朱長文琴史六卷

朱長文琴史六卷



長文字伯原人稱樂圃先生此書序于元豐七年  
上自帝堯下至宋趙抃凡有涉于絃徽間者逐卷  
衰次而收翁錄其中董庭蘭一則以辨房瑄之受  
証最為有識他如宋太祖謂五絃之琴文武加之  
以成七乃留睿思而究遺音作為九絃之琴五絃  
之阮苟非伯原此書不復知琴有九絃者矣又如  
竇侯上疏周世宗九三絃之通七絃之琴十三絃  
之箏二十絃之離二十五絃之瑟三漏之籥六漏  
之喬七漏之笛八漏之篴十三管之和十七管之  
笙十九管之篳二十三管之簫皆列譜錄偶記得  
古人小李白詩雲裡篳篥喚鶴騎曉然篳篥為  
兩物也李人不多讀書展卷茫然幾何而不面墻

乎

太音大全五卷

凡琴之制度考訂咸備焉鏤畫撲雅援據該洽琴  
譜中可為集大成矣  
矚仙琴阮啟蒙譜一卷

阮咸惡琵琶音繁乃躬自製阮恐後世不知所始  
即以己姓名之晉風既泯阮之失傳久矣矚仙創  
為此制更造譜以行于世  
字學

說文解字三十卷標目一卷

漢太尉祭酒許慎記說文解字唐大曆中經李陽  
冰刊定徐鉉以陽冰頗排斥許氏自為臆說復加

詳考是正慎時未有反切今悉依孫愐唐韻為定  
九十四篇又序目一篇鉉謂編帙繁重每篇各分  
上下共三十卷許冲序云立一為端據形系聯引  
而申之以究萬原畢終于亥知化窮冥此始一終  
亥原本之所由佳也宋人構昧歆便于檢閱妄以  
一東二冬依韻分之大失許氏原書之本旨其厄  
更甚于秦坑焚燎矣

徐楷說文解字繫傳四十卷

簡端題云文林郎守祕書省校書郎臣徐楷傳釋  
蓋楚金仕江左是書曾經進覽故結啣如此嘉祐  
中宋鄭公曰繫傳該洽無比小徐李問文章才敏  
皆優于其兄何以後人稱道友出其兄下子容曰

楚金少年早卒鼎臣歸朝後士大夫從李者眾宜  
乎名高一時鄭公嘆賞之以為評論精詣今觀此  
書通釋三十卷部叙二卷通論三卷祛妄類聚錯  
綜疑義系述各一卷而摠名之繫傳者蓋尊叔重  
之書為經而自比于丘明之為春秋作傳也部叙  
究竟始一終亥之義祛妄直指陽冰之惑參而現  
之字李于烏集大成楚金真許氏之功臣矣惜乎  
流傳絕少世罕有觀之者當李巽岩時蒐訪歲久  
僅得七八闕卷誤字又無所是正而况後之李人  
年代寢遠何從觀其全本乎此等書應有神物護  
呵留心籍氏者勿謂述古書庫中無驚人秘笈也

郭忠恕汗簡七卷



上中下各分二卷末卷為略例目錄李建中序為  
郭宗正忠恕揆引用七十二家事蹟其體例做說  
文故以目錄置卷尾孱守居士云此書亦有不可  
予意據如沔沔字俱從水今沔從沔沔從馬而  
從月而入脊部卻應從邑而入谷部駛應從馬而  
入吏部朽應從木而入弓部芋類雖因古文字少  
未免援文就部以足其數而核其實則非也孱守  
居士為吾友馮舒已蒼別號癸巳人藏書率名異  
本吾邑之宿素也

增廣鍾鼎篆韻七卷  
政和中王楚作鐘鼎篆韻薛尚功重廣之臨江楊  
鉤信文博採金石奇古之蹟並以奉符党氏韻補

所未備係篆文于唐韻下而以象形奇字芋篇終  
焉馮子振云漢有古文尚書唐明皇以隸楷易之  
儒者不識古文自開元始宋景文公筆記故人  
楊備得古文尚書釋文讀之驚喜自爾書訊刺字  
皆用古文當時咸不之識遂有怪人之自信文得  
無亦作怪人耶此書序後有洪熙侯書籍印章摹  
寫精妙凡楊增俱用朱印界之以識增廣之意蓋  
內府所傳本也  
李從舟家通一卷  
彭城李肩吾以點畫偏旁粹類成書魏了翁為之

序  
龍龕手鑑四卷

燕僧行均字廣濟俗姓于氏編龍龕手鑑以平上去入為次隨部復用四声列之計二萬六千四百三十餘字註一十六萬三千四百餘字統和十五年丁酉七月初一癸亥燕臺憫忠寺沙門智光字法炬為之序按耶律隆緒統和丁酉宋太宗至道三年也是時契丹母后稱制國勢盛強日尋干戈唯以侵宋為事而一時名僧開士相與探學石文穿貫線之花翻多羅之葉鏤板製序垂此書于永久豈可以其隔絕中國而易之乎沈存中言契丹書禁甚嚴傳入中國者法皆死今此本獨流傳于劫火洞燒之餘摩挲靈老巍然洵希世之珍也

吾衍續古篆韻六卷

衍字子行其生平見潛溪傳中此則趙靈均手鈔本小宛堂中藏書也

吾衍學古編一卷

私印之作絕盛于元子行獨精其藝觀其三十五舉深心篆籀之學能變宋末鐘鼎圖書之繆故子昂亦效其法虞揭諸公皆愛重之人品高潔非獨游于藝以成名也

魏莊渠六書精蘊音釋一卷

此于六書之學詳考極佳尚是徐元懋手寫藁本後附莊渠先生親筆書四紙亦墨莊中一古物也从古正文一卷



篆文正楷點畫不容以差此書存其遺跡且依韻  
易檢焦弱侯藏茹真生手錄本徐元懋印史極稱  
之

百壽字圖一卷

百壽字紹定己丑靜江令史涓刻于夫子岩正德  
丁卯昆明趙璧又得二十四體編成一書可謂無  
體不具矣宜附古文奇字之後

韻書

古文四聲韻五卷

慶曆四年二月夏踈新集古文四聲韻序之以進  
前列所引書今無一存者矣序文脫字甚多俟博  
訪藏書家全本補錄之

司馬溫公切韻指掌圖一卷

溫公以三十六字母約三百八十四聲別為二十  
音縱橫上下旁通曲暢律度精密最為捷徑嗟乎

韻學之廢久矣士人溺于章句如溫公所云覽古  
篇奇字往往有含糊囁嚅之狀良可憫也

經史正音切韻指南一卷

至元二年丙子良月閔中劉鑑士明序云僕于暇  
日因其舊制次成十六通揖作檢韻之法詳分門  
直類并私述方闕六段末兼附字音動靜為斯文之

一助耳

古四聲等子一卷

即劉士明切韻指南曾一經翻刻冠以元人熊澤

民序而易其名相傳等子造于現音故鄭夾漈云切韻之學起自西域今僧徒尚有習之者而學士大夫論及反切便瞪目無語相視以為絕學矣直指王鑰匙門法一卷大慈仁孝僧訥菴老人真空謂劉士明所製門法始于音和終于內外僅十三條辭意高深學者未易入且篇以門法為允不可無鑰匙以啟其關鍵故為此書又加直指二字見明且易焉

韻畧易通一卷

正統壬戌九月和光道大止菴編韻畧易通成而序之編以早梅詩一首凡二十字為字母標題于上即各韻平聲字為子調子下得一平聲字則上

去入一以貫之故曰易通又分前十韻為四聲全者後十韻為無入聲者覽之心目了然止菴不知何人現其書可免羊芋之笑矣

孫吾與韻會定正四卷

韻初閣本影鈔豐城孫吾與撰平聲不分上下別作一公二居三觚四江等二十五韻上聲別作一礦二矩三古四港等二十五韻去聲別作一頁二據三固四絳等二十五韻入聲別作一穀二覺三葛四憂等二十三韻反切不用沈約韻母時露西江土音予未之敢以為允也吾與字子初固初為太常博士今題名錄以字行并為正之



石鼓文音釋一卷

石鼓之辨明矣韓愈以為宣王鼓常應初以為文  
王鼓鄭譙以為秦鼓偽劉宇文泰指為後周物潘  
迪薛尚功皆有音訓而以胡作翊以腫作蕃學者  
病之揚慎得東坡本于李文正公篆籀特全音釋  
兼具恐其本隻存久而失傳為序其所由來刊行  
于世

集古目錄三卷

歐陽集古目隨得隨錄不復證次宋刻原本如此  
合人以時代次第之失公初意矣

隸釋二十七卷

隸釋七百一十餘葉杜村先生手筆雲浦子盛時

秦題于後古人于書率多自鈔相傳徐髯仙有宋

二槧本甚精妙後歸毛青城載還蜀中前輩好書風

流洵可慕也

隸續二十一卷

隸釋有續前後二十一卷乾道或子始刻十卷于

越淳熙丁酉始蘇范至能增刻四卷于蜀後二年

雪川李秀叔又增五卷于越明年錫山尤延之刻

二卷于江東倉臺而輦其板合之越此景伯之自

題若是嗟乎一書之付剞劂遠緩歲月以漬于成

奈何世罕其傳元泰定間刻本亦止前七卷知此

金書之止來久矣景伯又集字同體異參差不可齊

者倚聲而彙之曰隸韻予家有其半洵宋榻中之

奇寶也

金石錄三十卷

金石錄清照序之極詳其搜訪可謂不遺餘力而予所藏宋榻章仇府君碑為明誠所未見信乎碑版之難窮矣昔者吾友馮硯祥有不全宋槧本刻一扁記曰金石錄十卷人家長箋短札帖尾書頭每用之亦藝林中一美談也

鄭杓衍極五卷

莆田鄭杓子經述劉有定能靜釋蒐討古今書法源流成一家言龍溪令趙敬叔為之鉅梓以傳

二王帖目錄評釋三卷

取義獻之書散于各帖者彙而合之附諸家評釋

于逐條後卷尾有許開題辭然不收保母帖恐遺

漏者尚多俟續考之

書斷列傳三卷雜編一卷

此是舊鈔本刊于百川學海中者行次失款且多謬字以此參校可耳

雪菴字要一卷

當塗詹思好作大字得詹孟舉墨跡五字寶學之

後見雪菴大字書法傳其規矩于世雪菴能梓襟

勒式傳陳宏道之教取永字八法變化為二十四

法序作于至大元年菊月望日自署圓悟慈慧禪

師資善大夫昭文館大學士李浦光雪菴其結啣

如此後人稱為雪菴和尚蓋有以也



數書

王孝通緝古算經一卷

孝通唐通直郎太史丞其上言云伏羲尋九章商功篇有平地役功受表之術至于上寬下狹前高後卑正經之內闡而不論使今代之人不達深理因晝思夜想遂于平地之餘續狹斜之法凡二十術名曰輯古如有排其一字者謝以千金斯可為篤信而自專矣

孫子算經三卷

孫子莫詳何代人李淳風等奉勅注釋元豐九年

七月葉祖洽上進

夏侯陽算經三卷

算數起自伏羲而黃帝定三數為十等隸首因著

九章陽尋覽古今差互謹錄異同列為三卷

張丘建算經三卷

丘建清河人甄鸞註經李淳風等註釋劉孝孫撰

細草原其大槩序列諸分之本元宣明約通之要

法上實有餘為分子下法從而為分母不務煩重

庶其易曉耳

五曹算經五卷

五曹者田曹兵曹集曹倉曹金曹也生人之本王

用天道下分地利故田曹為首既有田疇必資人

功故以兵曹次之既有人眾必用食飲故以集曹

次之眾既會集必務儲蓄故倉曹次之倉廩貨幣

交質變易故金曾次之  
數書九章十八卷

數書九章淳祐七年魯郡秦九韶撰清常道人從  
會稽王應遶借閣鈔本校錄

李治測圓海鏡十二卷

敬齋病革語其子兌修曰吾生平著述死後可盡  
燔去獨測圓海鏡雖九上小數精心致力後世必  
有知之者嗟上昔人成一藝篤信守死而後已今  
人留心學問奈何半途而廢乎

顧應祥測圓海鏡分類釋術十卷

箬溪道人謂乘城李學士所著如平方立方三乘  
方帶從減從益廉減廉正隅負隅諸法以積求形

者皆盡之矣但每條下細草俱徑立失元一反復  
合之而無下手之術欲每章去其細草立一算術  
又以其所立通勾邊股之屬各以類分之于是李  
公之術益便于下學矣

李冶益古衍段三卷

元人有以方圖移補成編號孟古集大小六十四  
問敬齋惜其未盡剖露為之移補條段細翻圖式  
目四益古衍段使後人曷曉亦數家之一助也

小學

郭璞注爾雅三卷

六畜字本作巽後人借畜養字用之故麋鹿虎豹  
育于山澤者歸之釋獸馬牛羊狗為人所養者歸



之釋畜若一概以獸例之謫矣讀爾雅宜熟精其義勿但以終軍辨鼠為能事也此本逐卷後附音釋殊便覽者

羅願爾雅翼三十二卷

羅願新安人七歲為責草賦南渡後文章人頗推之淳熙乙巳卒于知鄂州之明年故世稱為羅鄂州此書于草木鳥獸虫魚之類正名辨物貫穿百家可謂該洽矣昌黎云爾雅註虫魚定非磊落人予就存齋觀之殊不以此語為然

博雅十卷

魏博士張揖採蒼雅遺文不在爾雅者為書名曰廣雅表上之隋曹憲因其說附以音解避煬帝諱

更為博雅正德乙亥支硎山人手跋此本云士人袁飛卿有此書求之半載童十數往返始得繕錄微白金五十星乃去錢物可得書不可得雖費當弗校耳山人惜逸其氏名亦一佳士也

方言十三卷

舊藏宋刻本方言牧翁為予題跋紙墨絕佳後歸之季滄葦此則正德己巳從宋本手影舊鈔也二卷中吳有館娃之宮秦有榛城之臺俗本脫去秦有二字馮已蒼嘗笑曰并榛城而吳之矣劉于駿從子雲取方言入錄貢之縣官子雲答書君必欲脅之以威凌之以武則縊死以從命古人務重著述如此千載而下猶為穆然起敬也

奇字訓釋一卷

書成于宋孝宗淳熙戊申不著名氏万花谷後附  
者非完書覽者其辨之

李成已小學書纂疏四卷

文公先生取古礼之宜于今者編小學內篇復選

漢唐迄九宋賢人君子之嘉言善行為小學外篇

秦儒李成已友仁于註解內復加註解前後三百

八十五章增衍正義洛陽薛延年又創纂小學書

舉要鬪冠于前予覽之竊嘆古人分年課程八歲

入小學十五歲入大學循下善誘無躁進弋獲之

弊輓道世後生小子汨沒科舉之業不復知小學

為何書矣現此能無愧心乎

歷代蒙求一卷

汝南王芮撰括蒼鄭鎮孫纂註至順改元馬速忽

守新安見是書命郡教授王子宜鋟梓以廣其傳



讀書敏求記

史

史記一百三十卷

唐尊老子為玄元皇帝開元二十三年勅升于史

記列傳之首處伯夷上予昔藏宋刻史記有四而

開元本亦其一焉今此本乃集諸宋板共成一書

小大短長各種咸備李沂公取桐絲之精者襍綴

為一琴謂之百衲予亦戲名此為百衲本史記以

發同人一笑焉

王偁東都事略

東都事略宋刻僅見此本先君最所寶愛榮本樓

也是翁錢

曾遵王

牙籤萬軸獨闕此書牧翁屢求不獲心頗嘆焉先  
王君家道中落要索頻煩始終不忍捐棄吾子孫其  
慎守之勿失

資治通鑑二百九十四卷

溫公修通鑑成自言惟王勝之一讀他人讀未終  
卷已欠申思睡矣當公世而云然無怪乎後之諛  
聞小生拾一芝麻終便侈談今古也此為吾鄉碩  
塵客先生所披閱先生諱大章字伯欽與楊左諸  
公同受奄禍名在斗杓當其入詔獄時有芝生一  
莖六瓣此六君子之祥雖天公亦為之告異今現  
先生點定此書自始至終詳整無一懈筆心細如  
髮晏居不苟如此允為王勝之後之一人矣吾家

通鑑有大字宋本復有宋人手披者半部刻鏤精  
工烏經外標題週遭殆遍尚是宋時裝潢未經今  
人換釘者然揔不若此本之矜重吾輩當盥顛莊  
拜而後讀如減榮緒之于五經可耳

劉知幾史通二十卷

陸文裕公刻蜀本史通其補註因習曲笔鑿識四  
篇殘脫疑誤不復可讀文裕題其篇末而無從是  
正舉世罕覩全書殊可惜也此本于脫簡處一一  
補錄完好又經前輩勘對精允凡標題行間者皆  
另出手眼覽之真有頭白汗青之感

胡一桂十七史纂古今通要十七卷

宋以來論史家汗牛充棟率多龐雜可議以其不



牙籤萬軸獨闕此書收翁屢求不獲心頗嘆焉先  
君家道中落要索頻煩始終不忍捐棄吾子孫其  
慎守之勿失

宋一桂子二百九十四卷

宋以桂子與...自言惟王勝之一讀他人讀未終  
...而云然無怪乎後之謾  
...也此為吾鄉願

謂溫...此其...與楊左諸

通鑑博論

通鑑博論  
月十七日書成

六年丙午書廖永忠  
忠之不義後賜死牧翁云  
意特

標此一段以垂示千萬世不  
自立斷案乎予謂沉于瓜步記  
大明忠永

忠之不義痛絕之也後賜死明當時未蔽厥辜而  
後終以此正其罪也此非寧王之書法而聖祖之  
書法也德慶一案盡此二十一字中又何他辭之

說與

臞仙史畧二卷

賢王奉藩多暇惇詩說礼者有之貫穿歷代吳亡  
提綱舉要較其良惡千古瞭如指掌蓋未有如寧  
王者元順帝為合尊之子牧翁取余應詩與權衡

討論之過也馮定遠曰蘇子由論劉先生云用孔  
明非將也據蜀非地也考蜀志孔明在先主時未  
嘗為將至南征始自將耳先主若不據蜀則何地  
自容此豈非不討論之過乎胡庭芳纂此書論議  
頗精允絕非宋儒偶見者可比一覽令人于古今  
興亡理亂了然胸次朱子稱稽古錄其言如桑麻  
穀粟曰小兒讀六經了好令接續讀去予于此書  
亦云然但以昭烈繼建安一祖朱子綱目予不敢  
謂温公正統為非請俟百世之君子討論可耳

通鑑博論三卷

通鑑博論聖祖命寧王權編輯洪武二十九年九  
月十七日書成表進下卷圖格中獨于至正二十

六年丙午書廖永忠沉韓休見于瓜步大明忠永  
忠之不義後賜死牧翁云此蓋寧王奉聖祖意特  
標此一段以垂示千萬世不然安敢以開國大事

自立斷案乎予謂沉于瓜步記其地也大明忠永  
忠之不義痛絕之也後賜死明當時未蔽厥辜而  
後終以此正其罪也此非寧王之書法而聖祖之  
書法也德慶一案盡此二十一字中又何他辭之

臞仙史畧二卷

賢王奉藩多暇惇詩說禮者有之貫穿歷代興亡  
提綱舉要較其良惡千古瞭如指掌蓋未有如寧  
王者元順帝為合尊之子牧翁取余應詩與權衡



大事記疏通證明之作瀛國公事實而此直揭云  
為宋幼主子明宗恭為己子又云初明宗出獵回  
遇大風雨見寺中火光往視之乃宋幼主后產明  
宗取而育之以為己子及長文宗忌之敗高麗遷  
靜江臞仙之記庚申帝正所謂大書特書不一書  
而已也晉書于小史牛氏諱而不沒其實當時修  
元史諸公何以見不及此牧翁歷朝詩集小序中  
詳載臞仙著述而獨遺史畧且書瀛國公事又不  
援引其言以實之豈當時未獲見此本與

吳越備史四卷

今本吳越備史武肅十九世孫德洪所刊序稱忠  
懿事止于戊辰因命門人馬蓋臣續第六卷為補

遺予假日以家藏舊本校閱之知其刻之非也是  
書為范垞林禹所撰稱忠懿為今元帥吳越國王

自乾祐戊申至端拱戊子紀王事終始歷然新刻

則于乾德四年後序次紊亂脫誤弘多翻以開寶

二年後事為補遺他如王因衣錦城被寇命同立

先生閭丘方遠建下元金錄醮于東府龍瑞宮其

夕大雪唯醮壇上星斗燦然一黑虎蹲宮門外罷

醮乃去羅隱師事方遠執弟子禮甚恭及迎釋迦

舍利建浮屠以供之其制度皆出王之心匠諸事

皆失載其字句純繆處又不知幾何也蓋德洪當

日所見乃零斷殘本實非完書以家王故事急付

剞劂故未遑細心參考耳

錢氏私誌一卷

宋太尉德慶軍節度使錢愐纂輯愐為彭城王第三子昭陵之甥故記熙寧尚主玉仙求嗣事獨詳其稱大父寶閣知台州回者乃真國公諱暄字載陽以父蔭累官駕部郎中知撫州移台州進少府監權監鐵副使時也彭城王諱景臻字道邃真國第九子建炎二年追封故稱先王俗子以此為起居舍人彥遠之筆不知彥遠乃忠遜之孫翰林學士易之子與彭城為再從叔姪世次犁然安得反有先王之稱豈非大謬乎書此以訂正之

陸

海南唐書十八卷咸光音釋一卷  
務觀南唐書詳核有法卷例俱遵史漢體首行書

某紀某傳卷第幾而註南唐書于下今流俗鈔本竟稱南唐書本紀卷第一卷二三列傳亦如之開卷便見其謬可一喟也是本後附咸光音釋甚佳光嘗輯金陵志搜訪文獻大有考證為當時所稱許藏書家歎有知其氏名者矣

龍衮江南野史十卷

記南唐君臣事蹟頗詳其行文亦瞻雅有致

釣磯立談一卷

叟為山東人不著名氏清泰年中避地江表嘗釣磯以自隱李氏亡國追記南唐興廢事得百二十餘條疏于此書序云文慙子山之麗吳哀則有之才愧士衡之多辨亡亦哉矣讀之頗為泣然



封氏聞見記十卷

孱守居士從吳岫本錄于空居閣趙清常本有雲  
間夏庭芝至正辛丑跋語吳郡朱良育與唐子畏  
借鈔前五卷又與柳大中借鈔後五卷其第七卷  
止存末後兩後餘則均之闕如也貴與經籍志云  
五卷不知所據何本耳其書不錄其後

孫光憲北夢瑣言二十卷

華亭孫道明手鈔本錄每事前列一題流俗本通  
行削去其間純繆脫落又不待言矣

宇文懋昭大金國志四十卷

宇文懋昭于端平元年表上所輯大金國志懋昭  
竊祿金朝為淮西歸正人宋改授承事郎工部架

閣其所載誓書下直書差康王出質且詳列北遷

宗族等于獻俘可謂無礼于其君至矣敢于表上

其書而端平君臣竟漫置不省何也

葉隆礼契丹國志二十七卷

隆礼書法謹嚴筆力詳贍洵有良史之風其載兩

國誓書及南北通使禮物蓋深有慨于海上之盟

使讀者尋其意于言外耳棄祖宗之宿好結虎狼

之新歡自撤籬樊孰當扞蔽青城之禍詳其流毒

實有隱痛焉存遼以障金此則隆礼之志也至夷

契丹為國不史而志之其尊本朝也至矣予特表

而出之

劉祁歸潛志十四卷

序文及首卷乃陸孟鳧先生手錄先生曩日視予  
為忘年小友所居去予舍一牛鳴地奇書轉假未  
嘗三日不相見也此為先生所贈金渾源劉祁京  
叔著京叔以布衣遨遊士大夫間文章驚瀑一時  
為遺山諸公所推挹藥堂曰歸潛因以名其書所  
記多金源逸事後之修史者足徵焉周雪客黃俞  
印徵刻書目曰八卷殆未見全書與下卷之題  
庚申帝史外聞見錄二卷  
權衡字以制吉安人編緝元順帝三十六年事筆  
之于書曰庚申帝史外聞見錄所記瀛國公生男  
明宗求之為子事甚悉其繫帝于庚申者蓋以制  
之微詞也先君廣覓是書僅見之眉公秘笈中脫

落舛謫十止其五予後得完本繕寫藏弄惜先君  
之不及見每檢此書即為泣下如雨  
歷代紀年十卷

晁氏歷代紀年始之以正統次之以封建僭據再  
次之以盜賊夷狄道書而以最歷代年號終焉晁  
公諱公邁字伯谷纂緝此書凡節目之大而關於  
體統者可以槩見紹熙壬子樂清包履常為之鈔  
本以傳  
歷代紀元錄一卷  
錄自漢武帝至元順帝止別錄自王莽至明昇止  
又按雲南自唐世為蒙氏所據至元始郡縣之其  
間蒙段二氏雖互有興滅然諸夷若安南日本渤



海等國亦嘗紀元未有如雲南之盛者特備錄之

歷代紀元歷七卷起自唐虞至明隆慶元年紀載頗詳有以六字為

年號者如南詔鶴拓王法之貞明承智大同夏趙

元昊之天授禮法延祚夏李秉常之天賜禮盛國

慶等類是也

網鑑甲子圖一卷周威烈王元年丙辰至明崇禎十七年甲申共二

千六十九年概括于八葉之中殊便檢閱也

西漢會要七十卷嘉定四年九月十一日徐天麟上進李說戴溪為

序崇禎己巳閏月二日先君校完題于後是年八

月揆予初度撫今追昔為泫然者久之

東漢會要四十卷寶慶二年六月二十二日徐天麟上進葉時序云

仲祥父子伯仲俱刻意史學各有書行于世仲祥

天麟字也

唐會要一百卷王溥撰建隆二年二月奏御明初人鈔絳雲藏本

勘過

五代會要三十卷王溥纂凡五代儀物章程官名文法因革損益之

由多可于此考見

孫逢吉職官分紀五十卷

富春孫彥同廣楊侃戒林而成是書清常道人惜  
舊鈔謫繆借金陵焦太史本讐勘而焦本亦多殘  
闕復賴此本是正之清常又從書賈搜得宋槧本  
第七卷補訂入前輩好書之勤如此慚予空蝗梁  
黍展卷便欠申思睡每睹清常手校書籍未嘗不  
汗下如漿也

政和五禮新儀二百四十卷目錄六卷

首卷冠以御製序題政和心元三月一日不知心  
元何謂次九卷御筆指揮次十卷御製冠祀其二  
百二十卷乃鄭居中等所編政和三年四月廿九  
日進呈者也劄子云悉稟劄指靡所建明殆有微  
意與目錄六卷文獻通考謂五卷者誤

大金集禮四十卷

首列太祖太宗即位儀諸凡朝家大典輿服制度  
禮文莫不班人可考嗟乎祀宋無徵子之所嘆金  
源有人勒成一代掌故後之考文者宜依依編集  
以詔來葉此書諸家目錄俱不載藏書家亦無有  
畜之者尚是金人鈔本撫卷有諸夏之止之說  
國初祭享儀注十卷

國初祭享一天地二太廟三社稷四山川五歷代  
帝王六孝陵七孔廟八五祀九龍江壇十真武寶  
公此永樂正位南歲猶未都燕時之儀注也真武  
則出自成祖之獨裁宝公則猶是高皇之遺命禮  
文秩然樂章和雅國初大儒命筆簡盡如此



鹵簿圖一卷

此是國初常朝鹵簿圖按三輔黃圖云天子出車駕次第謂之鹵簿而唐制四品以上咸給鹵簿則鹵簿者君臣皆得通稱矣宋王欽若為鹵簿記元曾巽申為鹵簿圖今俱失傳內閣書目有宋宣和鹵簿圖九冊全天聖間宋授撰集宣和蔡攸等重修凡三十五卷又有大駕鹵簿一冊中宮鹵簿一冊俱盡本內府之珍人間罕覩更不知者繪為何等也

司馬氏書儀十卷

第一卷詳列表奏公文私書家書之式餘九卷備述冠婚喪祭之儀前序云是書為經世之所範禮

法之大端士大夫家採掇行之于名教豈曰小補哉溫公尚有家範十卷與此並藏諸書壘可耳

浦江鄭氏旌義類編一卷

鄭氏世居浦江縣東二十五里鄉名感德里曰仁義其遠祖冲素處士綺自宋建炎初同居至元末已十世歷二百六十餘年守詩書禮樂之教弗墜是編則其六世孫太和錄家範五十八則七世孫鉉補續一百餘則八世孫濤又因時損益之總一百六十八則勒成一書以訓子弟君子于此有感焉聖經修身齊家之道終古無能行之如此其久者而鄭氏子孫世守勿替迄今循覽斯編雖百世而下得不為之興起乎

韓氏參用古今家祭禮一卷

魏公得秘閣所有御史鄭正則祠享儀御史孟詵家祭禮殿中御史范正傳寢堂時饗儀汝南周元陽祭錄京兆武功尉賈氏家薦儀金吾衛倉曹參軍徐潤家祭儀檢校散騎常侍孫日用仲享儀凡七家採舊說之可行酌時俗之難廢者以人情斷之成十三篇名參用古今家祭儀而魯齋門人王仁頗致疑于祭儀一節男女拜位東西相尚與他書為少異意必有所據耳

魯班營造正式六卷

畧說云班周時人妻雲氏居江西隆興府地名市縱予現其規矩繩尺誠千古良工之範圍然此等

書皆後人偽作非真出于班也

李誠營造法式三十六卷

營造法式三十四卷目錄着詳二卷收翁得之大水長公畫樣界畫最為難事己丑春予以四十千從牧翁購歸牧翁又藏梁溪故家鏤本庚寅冬不戒于火縹囊緗帙盡為六丁取去獨此本流傳人間真希世之寶也誠字明仲所著書有續山海經十卷古篆說文十卷續同姓名錄二卷琵琶錄三卷馬經三卷六博經二卷今俱失傳附識此以示藏書家互蒐討之

傅霖刑統賦一卷楊淵刑統續賦一卷

刑統賦藏本有二一是延祐丙辰刻本東原却氏



韻釋趙孟頫序後有李方中韻釋刑統續賦一是  
至正壬辰鈔本鄒人孟奎解沈維時序

時令

夏小正戴氏傳四卷

夏小正大戴禮之篇名也政和中山陰傳崧卿從

其外兄閔澮得之閔本合傳為一卷不著作傳人

名氏崧卿做左氏春秋列正文于前而附以傳月

為一篇凡十有二篇釐為四卷重刊于至大元年

宗懔荆楚歲時記一卷

杜公瞻註流俗本正文與註混淆此則舊本也大

陳元靚歲時廣記四卷

首列孟說分四時為四卷諸書之有涉于節序者

王搜討殆遍亦可入之小類家元靚南宋人自稱廣

寒僊稟朱鑑劉純為之序

韓諤歲華紀麗七卷

此是舊鈔卷終闕字數行又失去末葉無從補入

後見章丘李中麓藏宋刻本脫落正同知是此本

之祖蓋因歲久墨敝紙渝字跡不可捫揣故抄本

仍之耳

費著歲華紀麗譜一卷

費著元人記成都歲時嬉遊之盛予得之于癸巳

老人命侍史重錄之

臞仙運化玄樞一卷

月十有二而成歲其盈虛消長之數有差候氣之

運各異涵虛子謂飲食起居必順天道以寧化育  
故纂此書以備月覽于揖生之道可謂詳矣前載  
歲占鬲後附天地混元之數及三元八會等辰其  
以中元為丁令威救母之日釋氏謂之日連未悉  
其所本何自姑識于此以俟博聞者

李泰四時氣候四卷  
書成于洪熙乙巳刊于景泰乙亥視前人訓釋有  
令頗加詳焉

器用  
鄭文寶傳國壘譜一卷

嘉靖辛丑刻于金閭此乃舊鈔也  
玉壘傳聞一卷

卷終一行阜昌宋隆夫書不知何人內稱大元皇  
帝則為元人無疑後有匏菴先生跋語清常道人  
得之赤岸李氏

考古圖十卷續考古鬲五卷釋文一卷

汲郡昌大臨論次考古鬲成并識古器所藏于目  
錄後秘閣太常內藏外列三十七家即後記謂閱  
之士大夫得傳摹鬲寫者蓋匪朝伊夕矣其續鬲  
五卷釋文一卷文獻通考俱不載豈貴與登諸藏  
書家都未見此本耶間以元刻讎校抵牾脫落幾  
不成書此係北宋錢板予得之梁溪顧修遠洵縹  
囊中異物也後為季滄葦借去屢索不還耿耿掛  
胸臆者數年滄葦歿此書歸之徐乾菴予復從乾



菴借來躬自摹寫其畫象命良工繪畫不失毫髮  
楮墨更精于槧本閱之沾沾自喜嗟此書得而  
失而復得繕寫成帙予之嗜好可謂勤矣然聚  
散何常終歸一嘅學者唯以善讀為善藏可耳  
宣和重修博古圖錄三十卷  
博古圖成于宣和年間而謂之重修者蓋以採取  
黃長睿博古圖說在前也至大翻雕而仍謂重修  
宣和博古圖未知所修何事循名責實豈不可笑  
是書雕造精工字法俱撫歐陽乃當時名手所書  
非草率付諸剞劂者凡臣王黼撰云元板都為  
削去殆以人廢言與不  
泉志十五卷

新泉志鄱陽洪遵撰嘉靖壬午秋茶夢菴鈔本  
歷代錢譜一卷

元至大二年十月詔以歷代舊錢與新錢並行是  
書成于三年季春

查考錢法一卷

萬曆乙巳清常道人校錄孫蘭上本

文房四譜五卷

蘇易簡集文房四譜徐騎省序之云華硯紙墨為

李所資不可斯須闕予亦好李者覽此書而珍之

故為文冠篇以示來者此序是牧翁手錄通本皆

經勘對疑誤讀者其善視之

硯箋四卷

硯箋四卷

硯箋四卷高似孫修經籍志作一卷誤也昔人言  
吳融八韻賦古今無敵惜乎止來已久此存得古  
瓦硯賦一篇滄然魯靈光矣  
陸友墨史三卷  
友字友仁蘇州人善為歌詩工八分隸楷博極群  
物闕小室僅可容膝清坐竟日自號硯北生著硯  
北雜誌檇李項氏刊行之其原本今藏予家又著  
墨史纂魏晉宋墨法三人唐及五代墨工二十人  
宋一百七十人附以高麗契丹西域金國其搜訪  
可謂不遺餘力矣又云新羅墨有蠅飲其汁立死  
者不知用何毒亦異聞也  
陳氏香譜四卷

新纂香譜河南陳敬子中編次內府元人鈔本凡  
古今香品香異諸家修製印篆凝和佩薰塗傳芽  
香及餅煤器珠藥茶以至事類傳序說銘頌賦詩  
莫不網羅蒐討一具載熊朋來序之云陳氏香  
譜自子中至浩鄉再世乃脫藁可謂集大成矣古  
人命筆雖小道不敢聊尔成書今人偶撮一二零  
斷香譜列入類書中沾沾誇詡真不滿鬻香長者  
之一笑也書館琴窓蕭晨良夜靜對此譜如燒大  
象藏香一丸吳光網雲覆甘露味因尔時鼻現先  
參者為何如也

孤矢譜一卷  
詳論弓弩箭之制其稱踈證弩張憲伏之于中林



而捉真珠即時後用之于射狐闕而敗四太子殆  
是紹興年間經進之書也

食經

忽思慧飲膳正要三卷

予擬築一室顏之曰養生主而列一聯于其旁云  
也飲酒也噉肉素心何必素口自擔柴自運水勞  
力不肯勞神或甚之以遠庖厨之戒不覓失笑今  
現忽思慧此書又與食肉者鄙之慮矣  
易牙遺意二卷  
予非知味者過屠門而大嚼固未必然但嘉賓互  
對促席行杯肴核方圓食單似不可不講此于蔬  
菜餚饌造法頗精緻其亦山家清供之一助與

糖霜譜一卷

遂寧王灼晦叔撰書凡七篇古有柘漿蔗飴石蜜

蔗酒而無糖霜唐太宗遣使至摩揭陀國取熬糖

法亦似今之沙糖不言作霜也大曆間有僧號鄒

和尚者登繖山結茆以居因取蔗糖為霜流傳其

法凡耕種蔗田事宜及糖霜戶器用瑣碎採掇悉

著于篇

種藝

陸修靜靈芝瑞草象二卷

祥符元年王欽若獻芝草八千一百九十三本又  
獻泰山芝草三方八千餘本六年丁謂獻芝草三  
方七千餘本七年又獻九方五千本予每笑人主

侈言符瑞臣下貢諛者不独野鳥可以為鸞即朝  
菌咸可名芝矣今观脩静此畜令人與童初蕭間  
之想良常有芝號萤火人得食一枚心中一孔明  
食七枚七孔明便能夜書宜補入此畜之後因思  
祥符君臣當時若見此書更不知作何等妄談也  
白雲仙人靈草歌一卷

白雲仙人不知誰何畜靈草五十四種而附以歌  
皆世所未見未聞者苟非位秩仙班恐難遇此靈  
草也

玉藥辨証一卷  
玉藥辨証舊藏宋刻後亦歸之泰吳季氏此從宋  
蘇刻摹寫者

瓊華集五卷

曹璿淨室祐維楊志知化始末編成新集首之以  
考證遺事繼之以詩文所載張三丰與汝乘輩  
遊著釐現取水喫八仙變為瓊華香聞十餘里三  
丰即于是夕遁去汝乘詩云不知今夕遊何處引  
鶴同棲貫月槎其事独見于此

瓊華考一卷

成化丁未四明楊端來輯瓊華考成凡古入記序  
詩賦都為一集流覽之餘恍如枯樹回春喚醒瓊  
華之夢也

俞貞木種樹書一卷

樊遲請孝稼孝圃夫子目之為小人彼墜土輟耕



間園種菜者殆何如耶伊予樗櫟庸林為時所吐  
棄倦而退耕于野滌場除地類老圃所為瓜蒔豆  
籬參錯于牛欄豚柵之旁中築室顏曰小人齋時  
：偃息其所白木几上堆種樹篇探春日記汝南  
圃史樹藝錄等書隨意披覽頗遂息机摧撞之志  
間或勤其肢體輒課督便了芟繁治穢採掇嘉蔬  
碩果与婦子相顧而樂之更不屑詠南山之箕豆  
擊缶而歌呼鳴也或曰夫子之称小人犹佛家  
之謂小乘云尔鑿混沌者一日鑿一竅七日而混  
沌死子今蔽影蓬藿茅諸逃虚空者捲龜殼而食  
蛤蜊期与汗漫遊于九垓之外為不可雕之朽木  
真混沌所弗如豈非小人之尤者与借以名斯齋

誰曰不宜予時方讀貞木書聽之忻然笑推卷而  
起據槁梧以仰視雲漢松涛洒面不辨天首之為  
乙為鳧也聊識其語于卷末以記歲月云時乙丑  
重陽前一日

秦秦

師曠禽經一卷

晉張華註從元鈔錄出流俗本刊于百川李海中  
者文註混淆改畫舊观矣

鵲譜一卷

樗菴居士校獵平原知鷹之性能搏而不能擊鵲  
之性則擊搏皆能又知鵲類有二鴉鵲體小而胆  
勇性馴易調習免鵲斃大而性剛為難調間有能

者則遠勝于鴉鵲且深悉所以養飼調習形相美  
惡故著鵲譜十篇其十終以後鵲擒鸞二十篇  
各有名系以詩雖紀一時之興會亦可見永樂中  
隆平氣象奉藩多暇習騙射于田獵之中為足樂  
也  
古本古串鵲論譜一卷  
此內府藏本鵲房錄出者其名自嘉興花劈破玉  
至卧泥挾翅共九十四種逐種詳論之據云直省  
異樣異色者盡于是噫亦奇矣

蟋蟀經二卷

蟋蟀經相傳賈秋壑所輯其于相辨喂養調治之  
法咸備文辭頗雅馴牧翁詩中更籌帷選將登

場句採其語也予昔藏徽藩芸窓道人五彩繪畫  
本為季滄葦豪奪去茲則絳雲樓舊鈔本也

廣黃帝本行記一卷

唐閬州晉安縣主簿王瓘進述黃帝修行道德諸  
事

軒轅黃帝傳一卷  
闕撰者氏名註引刘恕外紀殆是宋人所著与

漢武內傳一卷

孱守居士空居閣校本廣記刪玄靈二曲及十二  
事篇目又脫朱鳥窓一段对過始知此本為完書

漢武外傳一卷



雜記漢武以後事雖名外傳實與漢武無涉  
漢武故事一卷

一是錫山秦女操繡石書堂本與新刻頗異一是  
陳文燭晦伯家本又與秦本互異今兩存之

虬鬚客傳一卷

楊彥淵筆錄云口上曰髭頤下曰鬚在耳頰旁曰

髯上連髮曰鬢髯之不得混鬚也明矣漢朱傳傳

奮髯抵几蜀志犹未尽及髯之絕倫逸群黃香責髯

奴辭離若緣坡之竹鬱若春田之苗古人描

寫髯之修美並未言其虱也老杜八哀詩虬鬚似

太宗酉陽雜俎太宗虬鬚常戲張掛弓矢南部新

書太宗文皇帝虬鬚上可掛一弓蓋虬鬚字之有

本若此今人安得妄改為虬髯客乎考其繆始於

紅拂傳奇流俗承譌已久故書此以正之

費樞廉吏傳二卷

天地穢濁之氣生凶庸貪猥之徒凡弱下愚之類

以敗壞國家未有甚于宋之政宣年間者也成都

費樞采經摭傳類次廉吏傳成序于宣和己己其

言曰迎者奸臣當路群柱並進官以賄授冗濫多

門漢世賊吏禁錮子孫三世不得入仕今願以此

為獻果哉費君敢言不避權惡志在疾世憂國借

此書以寓激揚之意夫豈無謂而苟作者何邦基

云載公孫弘而不沒其忌害之實載牛僧孺而不

舍其朋黨之罪所學實有助史官之賞罰是又淺

之乎其知之矣  
謝諤孝史五十卷  
謝諤孝史君紀五卷  
後德一卷  
宗表四卷  
臣傳三十五卷  
婦則二卷  
文類二卷  
夷附一卷  
摠計五十卷  
并序日  
淳熙十五年三月八日  
狀奏投進教授  
臣張綱校正作後序  
此書世罕其傳  
予從印宋本  
鈔錄藏之家  
塾以示子孫  
歐陽玄序  
番陽楊玄翁  
忠史嘉其是非  
枉直瞭然不繆  
于古人且謂是書  
果行書之幸  
世之幸也  
予于孝史亦云

葛洪神仙傳十卷  
袁陶齋藏書後  
歸秦四麟又玄齋  
流傳至胤伽居士  
春雪樓三君皆好古  
碩儒所藏率多舊鈔  
本故

其書正定可傳覽者勿忽之

真仙體道通鑑前集三十六卷後集六卷

前集軒轅皇帝至趙元陽止  
後集無上元君至孫仙姑止  
蓋以女仙故而為之區分也  
浮雲山道士趙道一編脩  
前有表進之  
昊天上帝未免浮而夸矣

重編義勇武安王集二卷

辛丑孟冬初旬吾邑西鄉迎闕神賽會先期  
示夢里人云紅豆莊有警廿八至初二  
須注護特過此方許出會是日牧翁赴李石臺使君之約入城止宿山莊其夜盜至而公無虞王之靈寔庇焉公齋心著是書者蓋所以答神佑也元季巴郡胡琦



編刻閔王事蹟嘉靖四年高陵呂柟復校次刊之  
名義勇武安王集公取二書次第釐定考正刪補  
而謂之重編者因名仍呂公之舊耳公又取錢塘  
羅貫中撰通俗演義三國志及內府元人雜劇摭  
拾其與史傳牴牾者力為舉正而予于此亦有疑  
焉神座右塑立周倉像傳來甚久遍考書史絕無  
其人僅見于小說傳奇那可為據今王之廟貌遍  
天下罕有核及此者何也且如桓侯字益德內府  
版演義傳尚未之改而流俗本竟刊為翼德豈不  
可笑或有為之說者曰桓侯名飛揆厥字義為知  
非翼德乎予笑語之如子云、豈獨桓侯宜此字  
即王之諱羽亦應移此字、之矣其人懔懔而去

并書之以發一笑

祠山事要指掌集八卷

嘉熙己亥三山周秉秀纂類一世系二封爵次序

三顯應事迹四正訛五祠宇六生辰七事始附雜

編八威濟侯方使者王諱渤清河張氏相傳生于

漢代吳興郡烏程橫山人也王一妃二夫人九弟

五子一女八孫集載之甚詳洵為祠山典故惜乎

世罕其本人見之者歎耳

雷神紀事二卷

此書載雷神出處甚詳靈異可怪按太平寰宇記  
貞觀八年改東合州為雷州雷公廟在州西南七  
里咸通十二年置並未及雷神事止云俗候雷時

具酒肴奠為法甚虔謹有以羶肉雜置食者霹靂  
即至是神之盼蟹亘古如一也宋元時封誥班  
可考飛來銅鼓猶在廟中後人為得以語怪誣之  
但紀事云神生于漢朝未知古聖人烈風雷雨弗  
迷迅雷風烈必戾彼時司之者又何神也

廣異記六卷

杜詩諸將篇昔日王魚蒙葬地以此書劉門奴事  
註之流俗本誤為明奴非也考之廣記善本亦然  
丙午夏滄葦邀予渡江校刊牧翁草堂箋註日長  
苦志數月始潰于成後偶以事還家忽為安庸子  
改作明奴且行間多以方空介字可恨也

李翱卓異記一卷

開成五年翱在檀溪述虛舟道人云蕭氏自瑀至  
遘八葉宰相閱之盛有唐莫與之比而卓異記  
不及何耶按翱書成于文帝時馬能下記宣懿僖  
三朝事虛舟之跋殆亦未之思也與

樂史廣卓異記二十卷目錄一卷

樂史集漢魏以來至五代卓異事都為一集撮神  
仙殊異者附于後惜其所撰續唐卓異記三卷失  
傳為恨耳

古列女傳七卷續列女傳一卷

顏氏家訓云列女傳劉向所造其子歆又作頌終  
于趙悼后而傳有更始韓夫人明德馬后及梁夫  
人嫗皆由後人所羈非本文也今此本始于有虞



二妃至趙悼后號古列女傳周郊婦至東漢梁嫗  
寺以時次之別為一篇號續列女傳頌義大序列  
于目錄前小序七篇散見目錄中間頌見各人傳  
後而傳各有番卷首標題晉大司馬參軍顧凱之  
畫盡蓋顏氏所云而蘇子容嘗見江南人家舊本  
其畫為古佩服各題其頌像側者與此恰相符合  
定為古本無疑千載而下觀此得存古人形容儀  
法真奇書也收翁亂後入燕得于南城廢殿卷末  
一條云一本永樂二年七月二十五日蘇叔敬買  
到當時採訪書籍必貼進買人姓名鄭重不苟如  
此內府珍藏流落人間展轉得歸于予不勝百六  
感迴之感

孟姜女集三卷

世傳孟姜女為范杞梁妻子暇日考之蓋所謂俗  
語不寔流為丹青者此類是也傳襄公二十三年  
莒子獲杞梁齊侯歸遇杞梁之妻于郊使弔之辭  
曰有先人之敝廬在杜註杞梁即杞植劉向列女  
傳莊公襲莒杞梁戰死妻無子枕其夫之屍于城  
下而哭十日而城為之崩既葬曰吾何歸矣赴淄  
水死君子稱其貞而知禮是杞梁去于築城時已  
三百四十餘年安得以此牽合耶考孟子正義亦  
有或云其妻孟姜之說譌以傳譌知其來已久然  
謂或云者正疑而未必之辭斷不得即以范姓加  
之杞梁也今此集云女姓姜楚地澧人行一故曰

孟姜秦始皇築長城夫范郎往赴其役久不歸製  
寒衣躬往送之至則范已死痛哭城崩瀝血求夫  
骨函歸行至同官山力竭死土人即其遺骸立祠  
以祀自元及明季詩文盈帙畫畧杞梁之名而獨  
稱范郎者殆有所考而云然與千百年來面貌猶  
新靈異如昨一種貞烈之氣自在天壤問予故錄  
而存焉

譜牒

### 東家雜記二卷

牧翁書趙太史魯遊藁後亟稱東家雜記祖庭廣  
紀諸書而惜予未之見也壬戌冬日葉九來過訪  
草堂云有宋槧本東家雜記因解借繕寫此書為

先聖四十七代孫孔傳所編首列杏壇畜說記夫  
子車從出國東門因觀杏壇歷級而上碩弟子曰  
茲魯將滅文仲誓將之壇也觀物思人命琴而歌  
其歌曰暑往寒來春復秋夕陽西去水東流將軍  
戰馬今何在野草閑花滿地愁考諸家琴史俱失  
載附錄于此詳其語意未知果為夫子之歌否也  
孔氏家譜一卷

先聖四十九代孫莘夫名琬宋乾道二年任臨川  
丞遂家于此為臨川始遷祖正德癸酉吾虞陳言  
知撫州編此序之蓋孔氏臨川族譜也  
漢天師世家一卷  
嗣漢四十二代天師冲虛子命傳同虛編次宋潛



溪序其簡端其子蒼山公又自為序以行紀載詳  
贍中稱三十代天師諱繼先者宋崇寧二年授符  
澗州鹽池礫蛟死水裔上問用何將隨名関羽見  
于殿左上驚擲崇寧錢與之曰以此封汝世因祀  
為崇寧真居此可補神遼之闕遺也

科第

紹興十八年同年小錄

唐末進士不第坎壈失職如王仙芝輩倡亂而敬  
翔李振之徒亦皆進士之不得志者宋祖深鑒其  
故廣開科舉之途開寶二年三月壬寅朔詔礼部  
閱貢士十五舉以上曾終場者具名以聞特恩各  
賜本科出身此特奏之所由始也景德二年三月

丁巳李迪等進士及第賜特奏名五舉以上本科  
六十四人三傳十八人同學究二十二人三礼四  
十四人年老授將作監主簿三十一人此特奏之  
名所由立也祥符八年又以人多而裁抑之特奏  
名並赴殿試是後循以為例故終宋之世具禍患  
皆起于夷狄而中國士子雖潦倒場屋穷老盡氣  
無自棄于盜賊如唐末之亂者豈非宋祖之明慮  
遠哉比錄後列特奏名一人殆猶存告朔餼羊之  
遺意與第五甲第九十人朱熹字元晦小名沈郎  
小字季延王同執記其詳于耳譚中余考宋朝登  
科錄唯此與宝祐四年者僅存則知此錄之傳蓋  
以文公故而垂之久遠尔

寶祐四年登科錄

困學紀聞云唐制舉之名多至八十有六故當時謂之科目自王安石罷諸科後之進士有科而無目矣今所傳寶祐四年登科錄宋末稱為文天祥榜進士蓋制科以人為重也明太祖洪武四年十七年開科及十八年會試循元舊例作經疑試士至二十一年始定三場之制三百年來燈窓小生熟爛時藝影掠諭策刺取榮名利祿自通籍以還未聞仕優則學之大夫是又人以制科為重而非制科以人為重也久矣先正丘文莊公言士子有登名前列不知史冊名目朝代先後字書偏傍者可不憫哉可不嘆哉大有為之君作師于上做漢

唐宋射策決科詩賦取士之法一洗制義陋習重  
興儒雅豈非斯文之大幸與  
地理輿圖

太平寰宇記二百卷目錄二卷

樂史序云從梁至周郡國割據更名易地暮四朝  
三撰太平寰宇記自河南周于海外若賈耽之漏  
落吉甫之闕遺此盡收焉予考之唐分天下為十  
道後又分山南江南為東西道古今山河兩戒之  
區別至于斯為盡善而此書因之且較詳于九域  
志宜乎樂史之自以為無掛漏也祝穆方輿勝覽  
止南渡半壁天下識者能無興小朝廷之慨乎

王象之輿地紀勝二百卷



紀勝者凡山川人物碑刻題詠無不蒐集首臨安  
以尊行在而幅員之版畫未復者不與焉亦祝穆  
之例也鏤刻精雅楮墨如新乃宋本中之佳者  
鄴道元註水經四十卷  
昔者陸孟鳧先生有影鈔宋刻水經注與吾家藏  
本相同後多宋板題跋一葉不著名氏余因錄之  
其跋云水經舊有三十卷刊于成都府學宮元祐  
二年春運判孫公始得善本于何聖從家以舊編  
校之終載三分之一耳乃與運使晏公委官校正  
募正鏤版完缺補漏比舊本凡益編一十有三共  
成四十卷其篇帙小失次序先後咸以何氏本為  
正元祐二年八月初一日記詳觀跋語是本在當

時蓋稱完善惜後人無翻雕之者予故備錄此跋  
以告世之藏書家  
分野一卷

以九州配周天度數而以十二時分十二分野各  
隸之以二十八宿離之合之規布星辰于指掌之  
中真奇書也

大明清類天文分野書二十四卷

晉天文志十二次分野始角亢者以東方蒼龍為  
之首也唐十二次始女虛危者以十二支子為之  
首也今以斗牛為星分之首者日月五星起于斗  
宿古之言天者由斗牛以紀星故曰星紀則星紀  
為十二紀之首而斗牛又二十八舍之首也此書

聖祖命屬藁于犁眉公鐵冠道人洪武十七年甲子閏十月二十七日進始于斗牛吳越分野首著開天之神功終以雲漢之末派龜魚麗焉即一書之始終可作運命論讀矣後之修明史者于此徵輿地志更何煩他求乎

范成大吳郡志五十卷

石湖著吳郡志成郡守具木欵刻時有求附其事于籍而弗得者諱曰非公之筆刻遂中止書藏學宮紹定初元李壽朋以尚書郎出守始增所缺遺訂其脫譌而刊行之宋槧本書籍註中有註者惟此及高誘戰國策他則未之見也

渚宮舊事五卷

余知古渚宮舊事十卷今止存前五卷餘五卷亡來久矣

葛洪西京雜記二卷

後序云此兩卷在洪中箱中常以自隨則原書之為二卷無疑流俗本妄分六卷繆甚矣章丘李中麓所藏卷仍上下但每事標題又分自甲至癸殆犹存子駿漢書之舊與侯博識者詳論之

建康實錄二十卷

建康楚金陵邑秦改秣陵吳改建業晉愍帝諱業又改為建康元帝即位稱建康宮五代仍之許嵩舉吳首事之年通西晉革吳以迄南朝事勒成一書名曰建康實錄黃子羽藏嘉祐年間錢本吾犹



及見之此則子羽家小胥所鈔也  
楊銜之洛陽伽藍記五卷  
清常道人跋云歲己亥覽吳瑄刻古今逸史中洛陽伽藍記讀未數字輒齟齬不可句因構得陳錫玄秦酉巖碩寧字孫蘭公四家鈔本改其謬者四百八十八字增其脫者三百廿字丙午又得舊刻本校于燕山龍驤印中復改正五十餘字凡歷八載始為完書清常言讎勘之難如此予嘗論牧翁絳雲樓讀書者之藏書也趙清常脉望館藏書者之藏書也清常歿其書盡歸牧翁武康山中白晝鬼哭嗜書之精爽若是伊予腹笥單踈囊無任敬子之異本又何敢廁于墨莊藝圃之列然絳雲一

燼之後凡清常手校秘鈔書都未為六丁取去牧翁老作蔡邕之贈天殆留此以欣助予之詩註耶何其幸哉又何其幸哉

夢華錄十卷

幽蘭居士孟元老追叙東京舊遊編次成集緬想曩昔如同華胥夢覺因名曰夢華錄書成于紹興丁卯去靖康丙午之明年又二十一年矣南渡君臣其猶有故都舊君之思如元老者乎劉屏山汴京絕句憶得少年多樂事夜深燈火上樊樓蓋同一寤嘆也予衰遲晚晚情懷牢落回首凄然感慨尤甚于元老今閱此書芻月光之水現但無人為除去瓦礫耳

夢梁錄二十卷

往予讀南濠文見其跋吳自牧夢梁錄凡臨安時序土俗坊宇遊戲之事固不畢載蓋繼元老夢華而作者私心竊慕之而末由覲其書斧季從輦下還解裝出書二百餘帙邀予往視皆秘本也因笑曰僕頃遊南昌空橐抵里途次作得詩三十餘首每說于人此行可為壯遊矣波飾竿牘問苞苴纍纍若者誠不以易我奚囊中物也子今搜奇覓異相載秘書而還視予幾句窮途酸語所得不已遼乎斧季嘆曰浪跡兩年未嘗遇一真好書人歸而求之于子有餘師矣當悉索以供繕寫母煩借書一瓶但視世之夢、粥、假牧兒之蓋而乞隣

女之光者我西人好尚之異同為何如耶予因次第借歸自春徂秋十鈔五六夢梁錄亦其一焉嗟近代藏書家推章丘李氏金陵焦氏王孫則西亭之万卷堂汴口後竹居文史盡隨怒濤去矣灰劫之餘未知金陵圖籍猶有存焉否余斧季所購乃中麓秘藏之物予不敢忘所自遂牽連書之如此

武林舊事十卷

武林舊事流俗本止六卷予從元人鈔仇先生所藏錄得後四卷乾淳奉親之事今昔所無閱之不勝腕嘆後過吳門書肆又購得一本校此添補數則并錄入泗水潛夫前序一篇此書始無遺憾矣



陸游入蜀記六卷

放翁于乾道五年十二月六日得報差通判夔州以夕病未堪遠後至次年閏五月十八日晚始即路十月二十七日早至夔州凡途中山川易險風俗淳漓及古今名勝戰爭之地無不排日記錄一行後而留心世道如此後時家祭無忘蓋有素焉卷中所記慈姥磯即南唐樊若冰獻策作浮梁渡王師處而宋史作樊若水未知孰是附識于此

古今輿地畝二卷

起帝嚳九州至元末群雄悉以明朝華夷區域為總要復朱介其間標舉歷代地理于上凡古今山水名及一行山河兩戒畝咸載焉昔謝莊分左氏

經傳隨國立篇製木方丈畝山川土地各有分理離之則州別郡殊合之則宇內為一後人嘆美之以為絕學此書精心者志不減希逸惜乎名氏醫如為之浩嘆

統輿畝二卷

唐貞觀初因山川形便分天下為十道一曰關內二曰河南三曰河東四曰河北五曰山南六曰隴右七曰淮南八曰江南九曰劍南十曰嶺南開元二十一年又分山南江南為東西道增黔中道及京畿都畿置十五採訪使簡察如漢刺史之職夫所謂江南東道理吳郡今蘇州也江南西道理豫章今南昌也是東西之分並在大江以南不得如





唐分廣南為廣南東路廣南西路後人省文但稱  
廣東廣西如江西之例承譌襲謬其來已久無識  
者正之良可慨也此稱嶺海輿圖莆田姚虞撰虞  
于嘉靖年間按部廣東著此書為圖十二各繫以  
叙紀其言雖簡而要者咸得考焉

虔臺撫屬地圖一卷

贛為古之虔州國朝開府于此故稱虔臺東則福  
建漳南道汀州府八縣南則廣東嶺南道南韶道  
南雄府二縣韶州府六縣北則江西嶺北道湖西  
道南安州四縣贛州府十一縣吉安府五縣西則  
湖廣彬桂道彬州五縣皆撫屬之地長沙李崇鎮  
臨于此移行各道府縣詳考境內地形畫圖貼說

彙成此帙六道七府州之險隘瞭然如指諸掌矣  
薊鎮東路圖冊一卷

萬曆三十年二月副總兵麻承訓將所屬山石燕  
建四路自山海關南海口靖虜一號臺起至建昌  
路白道子地方交界白草窪一百四十五號臺止  
邊長丈尺臺墩烽堠一一畫圖貼說開報誠聚米  
畫笏之心事也

榆林全鎮圖說一卷

前有總圖後分極衝次衝諸圖榆林乃九邊保障  
之首總轄三十六堡邊牆一千二百里余肅敏建  
設于前文巡撫增修于後隆慶三年蒲坂馮舜漁  
著此圖說

九邊圖論一卷

許論進九邊圖論圖留覽邊論經兵部看詳極其

獎與之

三省礦防畝說一卷

三省者浙江南直隸江西也奸民礦徒往、嘯聚

它掘隆慶元年頒行此圖說于各屬以稽考禁止

之

建昌諸夷圖一卷

建昌所部夷九種嘉靖戊子夏備兵使上蔡周汝

勤遍訪其風俗所尚并畝其形狀刻之

貴州諸夷畝一卷

貴藩參議李公重刊貴州夷畝共三十五種宣德

甲寅歲五月徵右參議清陽賈昭為之序

雲南諸夷畝一卷

雲南夷三十七種舊有畝刊其為官李佛漁獵貿

易諸狀其部落種類質之勇怯心之慈暴与居處

之險易各題于其上歲久漫漶布政使昆陵殷公

請于黔國公重銀諸梓宣德辛亥夏巡按御史既

閱杜琮序其首雲南諸夷畝之詳所藉之等語十

安南圖志一卷

漢武平南越置交趾九真日南三郡光武時女子

徵側徵貳反馬援討平之建安中改為交州唐置

都護府改為安南梁貞明中曲承美楊廷藝皎公

羨吳權相繼篡奪宋初丁璉據地入貢太祖封為



交趾郡王從此不入中國版圖者四百四十六年  
永樂初黎季犁弒其君陳日焜誅戮陳氏殆盡二  
年老槌傳送故王之孫陳天平來朝四年春季犁  
偽請天平還國至芹跣伏兵殺之并使者大理卿  
薛嵩太宗震怒命成國公朱能新城侯張輔西平  
侯沐晟出廣西雲南兩路討之親禡龍江誓師十  
月庚子能病卒于龍州輔代總其衆五年五月擒  
季犁父子獻俘詔求陳氏後無存者遂依漢唐時  
郡縣其地六年輔還進封英國公厥後交人簡定  
陳季擴鄧宗異輩狙詐屢叛復命輔討平之英國  
凡三下安南交人懼服遂留鎮其地十五年召還  
宣德元年黎利反王通討之失利柳升中伏死沐

晟兵觀望不前三年黎利上表偽稱立陳氏後英  
國公輔尚書蹇義夏原吉力爭以為不可從大孝  
士楊士奇楊榮引漢弃珠厓之說為辭上允其請  
君子嘆當時廟堂無卓識大臣命英國鎮交州如  
黔國之在雲南俾世守其土交人憚英國威名雖  
黎利何能為乃以祖宗成業捐于謀國者之片言  
履霜堅冰後時况水之禍飛走都窮真可為痛哭  
者也黎利又稱陳氏絕種上心知其妄然業已置  
之乃詔利署安南國事黎氏遂世王其地正德十  
一年陳暲弒其主暲自立莫登庸逐之立暲兄子  
諱無何登庸自僭為安南王上命咸寧侯仇鸞尚  
書毛伯溫致討登庸父子悞束身乞降詔赦登庸

為安南都統使世其戒方曆間鄭檢父子立黎暉  
後維潭為主盡逐莫氏遺孽維潭遣使詣督臣歸  
罪二十四年受降如登庸上亦詔之為都統使蓋  
安南自黎利竊據以來叛服不一雖奉貢稱藩然  
自帝如趙佗中國不得而主勞臣志士每與棄交  
州之嘆鄧鍾序此稱失在召還新城侯復追思國  
初命將故事三致意于伏波英國輯為圖志其意  
念遠矣予今詳述安南始末于此書之後實有隱  
恫焉悠々我心千載而下誰則知之

朝鮮八道圖一卷

八道為京畿道忠清道全羅道慶尚道江原道咸  
鏡道黃海道平安道前各系以圖後列州郡名下

詳四至八到頗効元和圖志例鏤板樸雅繭紙堅  
緻裝潢悉依宋時工匠東國奉箕子風教留心圖  
籍其犹是古人之遺指与

日本圖纂一卷

鄭若曾從奉化人得倭國圖本持以詢諸使臣降  
夷通事火長之屬錯覈互訂頗得其真其于山川  
夷險風俗強弱技術巧拙器物精否部道驛戶之  
詳与夫通貢入寇之路風汛逆順遲疾之期按圖  
可盡得其要領山陰王畿序之如此鄭子尚有万  
里海防圖論俟更覓之

廬山圖一卷

圖尚摠要故首之以摠圖山勢四面皆奇非一圖



可盡故次之以分番山頂之攢峯叢嶺未及也廬山之勝在瀑布也故又次之以山頂之番瀑布之番三疊泉之奇更在瀑布上非畫家所能及故番缺焉

黄山番經一卷

黄山舊名黟山軒轅黃帝栖真之地當宣歙二郡唐天寶六年六月七日勅改為黄山今名番經尊此書也予註牧翁遊黄山詩大半取此披覽全番真神遊于三十六峯之間矣

勞山仙蹟詩一卷

丘長春詩三十餘首王重陽馬丹陽刘朗然詩各數首是集人間絕少万曆乙卯趙清常借栢臺靖

恭堂本繕寫

台山靈異錄一卷

瓊臺山人龐櫟輯古今靈異番志二十餘事編成

此書

別志

高麗圖經四十卷

宣和六年徐兢奉使高麗撰番經四十卷凡三百條物番其形事為之說上之御府乾道三年徐藏錢板澁江惜乎番亡而經存競字叔明張孝伯与作行狀附刊于卷末

東国史略六卷

東国史略始自檀君終于恭讓王上下千餘年出

奇理亂之迹靡不具載李氏弒君篡位而此稱成  
桂為太祖芳遠為太宗蓋執筆者為其臣子不得  
不然史記鄭夢周忌太祖威德歆乘墜馬病篤而  
之太宗與李濟謀去夢周遣趙英珪等邀于路擊  
殺之籍其家并放李穡于韓州至是而王氏之舊  
臣盡矣又稱夢周為人有忠孝大節國家多故處  
大事決大疑不動声色咸遠其當穡天資明敏與  
夢周同心終始不變臣節如是而成桂父子之忌  
二人惟恐剪除不速安能頃刻忘之耶此書諱而  
不沒其寔信良史也其猶有箕子之遺教與  
吳明濟朝鮮世紀一卷  
會稽吳明濟子魚萬曆丁酉以客從司馬公贊畫

東援朝鮮諮訪事蹟撰世紀記高麗始末最詳辛  
禍之事同乎呂羸牛馬子魚謹而書之不沒其寔  
王氏自梁末帝貞明四年代高氏有其國遂并新  
羅百濟之地稱後高麗傳三十二王歷年四百七  
十五李成桂篡位後稱朝鮮高皇帝祖訓云朝鮮  
國即高麗其李仁人子李成桂今名旦者自洪武  
六年至洪武二十八年首尾凡弒王氏四王姑待  
之聖祖之意蓋以朝鮮遠在屬夷有稽天討而于  
李氏之篡弒則大書特書垂示萬世標之曰李成  
桂今名旦者直揭王氏舊臣之名氏戾于斧鉞之  
誅矣三百年來東國陪臣伏讀聖祖之明訓有不  
為之寒心者乎



董越朝鮮賦一卷

弘治元年越奉使朝鮮國夏五歸復命罄其聞見

作朝鮮賦即自為註之越字尚矩寧都人官至南

工部尚書歿謚文僖有文僖集行于世

黎崱安南志略二十卷

崱字景高元時安南歸附人叙其山川文物風土

制度頗詳備白雲老人察罕為之序一時名公鉅

卿如歐陽玄程鉅夫元明善許有壬等俱稱許之

乃外志中之佳者

紀古滇說集一卷

元人張道宗錄上自唐虞迄于咸淳其間方域年

運謠俗服叛一一詳載所記金馬碧雞事與漢書

碩異道宗滇民沐朝弼謂其自言風土當得其寔

留此以備參考可也

周達觀真臘風土記一卷

達觀自元貞乙未隨使招諭真臘至大德丁酉始

歸述其風土國事甚詳是冊從元鈔校錄說海中

刻者抵牾錯落十脫六七幾不成書矣

鞏珍西洋番國志一卷

永樂初勅遣中外重臣楮西海諸國宣宗嗣位復

命正使太監鄭和王景弘等往海外徧諭諸番時

金陵鞏珍從事摠制之幕往還三年所至番邦二

十餘處在處詢訪紀錄無遺宣德九年編次成集

予觀其議事詳核行文贍雅非若星槎勝覽等書

之影畧成編者蓋三保下西洋安卷流傳甚廣內  
府之劇戲看場之平話子虛止是皆俗語流為丹  
青耳今夷考之此冊首載永樂十八年十二月初  
十日勅太監楊慶往西洋公幹永樂十九年十月  
十六日勅內官鄭和孔和卜花唐觀保今遣內官  
洪保等送各蕃國使臣回還合用賞使即照依坐  
去數目閱給與之宣德五年五月初四日勅南京  
守備太監楊慶羅智唐觀保大使袁誠今命太監  
鄭和往西洋公幹大小海船該閱領原交南京入  
庫各衙門一應正錢糧并賞賜并原下西洋官負  
買到物件及隨船合用等物勅至即照數放支與  
太監鄭和王景弘李興朱良揚真右少監洪保等

閱領前去應用詳觀前後敕書下西洋似非鄭和  
一人鄭和往返亦似非一次惜乎國初事蹟紀載  
闕如茫無援據徒令人興放失舊聞之嘆而已

黃省曾西洋朝貢典錄三卷

東川居士孫胤伽跋云此書序見黃公五岳集久  
矣往來乎胸中者三十年歲已未錢受之搜秘冊  
于郡城故家得黃公手藁歸以貽予遂命童子錄  
之此書初未入梓自藁本外只此冊耳

汪煥章島夷志一卷

豫章汪煥章少負奇氣負船浮于海者數年始歸  
書其目之所及不下數十國勒成一書名島夷志  
中一則云至順庚午冬十月十有二日卸帆大佛



山下月明水清水中見樹婆娑意謂琅玕珊瑚之  
屬命童子入水拔之出即堅如鐵高僅盈尺槎牙  
奇怪枝有一蕊一花天然紅色既開者彷彿牡丹  
半含者類乎齒齒舟人咸雀躍曰此謂瓊樹開花  
海中稀有一千年始一遇耳携歸留于君子堂虞邵  
菴賦詩誌其異其所記奇詭率多類此是書為元  
人舊鈔本至正年間河東張翥三山吳鑒序之咸  
謂其言可信不誣鄒衍曰九州之外復有九州煥  
章此志悉前古所未聞予醢雞也無能發甕天之  
覆聊存其書而已  
日本受領之事一卷  
受領者受領天朝之賜予也字形奇詭是彼國人

所書裝潢楮墨咸與中華異而寔精于中華行間  
復以日本字註其旁不可辨識亦書案間一奇物  
也

王宗載四夷館考二卷

國初以遐陬商壤声教隔闕設四夷館以通連夷  
情拔子弟之幼穎者授譯課業于彼國之來使凡  
山川道里食貨謠俗瞭然如觀掌果迨後肄習既  
廢籍記無徵此館幾為馬肆万曆庚辰王宗載提  
督四夷館蒐輯往牒創為此書于柔遠之道不無  
小補云耳

華夷譯語一卷

洪武二十一年翰林侍講火源潔以華文譯胡語

三五堆塚而全其字該對訓釋而明其義輯錄刊  
布聖祖命劉三吾序之凡賜錢元世系詔誥勅書  
咸用胡語成文特刊于後高皇撫綏勝國之苗裔  
其至德夔絕今古矣  
華夷譯語二卷  
分類聚編上則番書中則漢譯下則胡音乃曰  
館新增者內府鈔錄除此無別本宜秘之  
曰館課三卷  
諸番進貢駝馬玉石拔甫求討膝襴織金段茶藥  
等件皆寫番書表奏曰館以中國字逐篇譯之  
輯成三冊藏之天府不知何年流落人間為予所  
得存之以徵同文之化

屬夷枝派錄一卷

二祖以元之餘裔歸降效順賜以大寧全地立泰  
寧朵顏福餘三衛設官襲職歲通兩貢其後唯朵  
顏獨盛此書于三衛枝派住牧詳細錄之有心哉  
斯人也今撮畧其要以彰二祖撫賞之盛心并以  
告後之秉史筆者泰寧衛夷始祖都督兀捏帖木  
兒右都督草干帖木兒二枝之後共五處住牧朵  
顏衛夷始祖都督完者帖木兒四世花當生十一  
男分十一枝厥後又分七十派隨處住牧外脫羅  
叉兒古彥卜二枝隨長昂住牧晃忽納猛可海塔  
力三枝跟那木塞等住牧草蘭台認義部落亦隨  
長昂住牧福餘衛夷始祖都督指揮使朵兒干都



督指揮使可歹夷始祖影克掌本衛印信指揮使  
扯禿四枝之後共五家莊敦慶台監書或至湮沒  
失傳屬夷枝派便無從稽考故書其大凡于此



